



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

XVI.

**urn:nbn:de:hbz:466:1-10840**

Sexto quodus in literis, virtute, aut hominum gratia, paulò spectabilius incrementum, iniquos statim oculos pungit, & maledicta eorum odia, incendit, quæ se hoc miserabili remedio solantur, vt auerso ab iis aspectu, quæ cogantur fateri si videant; persuadere sibi conentur nequaquam æmulis ea bona inesse, quibus illos carere quām maximè cupiant. Illa quam ex Sacro Capucinorum Ordine vir doctus, *Typographiam inuidiæ* dixit *ex qua Marcellin. libelli tot famosi in. Ignatium, & Socios eius prodiere; diabolico exagitante, tom 2. mor. eloquio, & scriptis Societatem*; Illa, inquam, æternum *Typographia* illos premet, quo scumque virtus extulerit altius, quām ferre valeant, qui nec maiorem patiuntur, nec parem. Quas linguis Sidonius, *core liuoris acuminatas* nominavit, docētque rem esse omnium pessimam; nam & lethales iectus habent, & qua defigunt aculeos, vñâ & venenum infundunt, quo semper insano turget inuidia. Earum tamen pernicies multiplex, quamvis certa solum cogatur in capita; cum nec mihi scribenti, nec legenti opinor non possit non esse permolesta, vltro hic à me omittitur: vnum tantummodo referre liceat, quod scriptor nescio quis, proximis retro annis non est veritus in lucem edere; Nempe S. Franciscum Xauerium, Clericum fuisse secularem, non autem de Societate Iesu Reliosum; quod videtur magis in Societatem quām in illum torqueri. Quod enim tanta Societatis nostræ commendatione summi Pontifices, Xauerium dixerint [ nouum Indianum Apostolum, sanctitatis gloria, & meritorum splendore singulari Illustrem. ] Quod iidem tot regna enumerent, quibus etiam vltra Indos, Euangelijs solein, primus omnium intulit; quod multis centenis milibus barbari censeantur, quos sua ipse manu, sacro fonte intinxit; quod quæ mari, ac terra, pedes obiuit spatia, terræ ambitum aliquoties adæquarint; quod tam multos ad vitam mortuos renocarit; quod charismate linguarum claruerit; quod illius nomen magnificentius in dies miraculorum perpetuitate diuina bonitas celebret; hæc omnia faces sunt quibus radiata Societas, fulget augustius, quam vt tantum splendoris nonnulli valeant æquis luminibus sustinere. Inde aliis nouum sucrevit acumen ad mouendam de iis etiam aliquam saltem dubitationem, quæ ante apud omnes in confesso erant. Ex quo nisi isti nugarum mendacium factores consecuti essent apud multos, pasci fabulis assuetos, quod potissimum volebant; nec vlli cordato refutatione nec mihi viderentur digni; cum fastidioso plerumque silentio melius enormis falsitas, quām defensione confutetur, & fiat suspecta res simplicioribus, fidei non adeò certæ, quæ disputationi committitur; at si hæc ratio valeat, triumphum certò hinc ducat effera haëreticorum audacia: nam quid Catholicis dogmatis certius, quid autem hostilius impugnatum? nedum controuersiæ subiectum, ab iis quorum perfidiam seu inuidia sive ambitio, seu amor effrænis licentiae ad exagitanda illa ingeniosam fecit & acuit: nec tamen propterea quicquam sanctissimæ illorum decedit veritati, sive in arænam aduersarij prodeant, sive argumentis fortioribus prosternantur. At vndenam quælo proposi-

L.8. Ep.1.

Marcellin.  
tom 2. mor.  
encycl.

Q

tum

utm validius afferam quam ex rei ipsius per se notissimae, & vulgatissimae exploratissima certissimaque evidentia. Sunt enim quædam lucis instar, tam splendide certa vix ut illi qui ea non videat, possint luce alia monstrari; sed collirio sit opus oculis ut cernant; non rebus ipsis alio lumine ut cernantur. Nam quod Xauerio Provincialis munus in Indiis crediderit Ignatius; quod multa mandat illic peragenda; quod obedientiae præcepto ad parendum quandoque obstrinxerit, etiam ad Europam relictis Indiis repetendam, quod item Xauerius Societate gloriaretur magnopere, ut suis tot literis fecisse legitur, Deoque perpetuas gratias tanti boni, quod pro ratione officij Societatem gubernarit; admissis qui eam expeterent; electis qui se illa indignos præberent, iisque etiam Rectoribus; quod iussa culpæ lethalis religione sanciuenter; quod se per literas S. Ignatio paratum obtulerit ad redeundum Roman si vel innueret, iubendi nimirum præditus potestate, quod Societatis vota quotidie instauraret; quod theca reliquia, cum Ignatij Chirographo ex eius Epistola reciso, & officulo Thomæ Apostoli, inclusam gestaret professionis sue solemnem formulam manu sua scriptam, qualis in Societate edi consuevit; nullus sit opinor ita effrons qui neget. His autem tam claris, Apostolico Breui nihil quicquam derogari quo creatus est Apostolicus Nuncius, plus satis constat ex sola illorum diplomatum lectione, quibus id munus, illi creditum est: ad hoc enim solum id illi concessum in iis legitur, ut possit obstante nemine, opportuna munitus facultate Societatis ministeria, vel apud Aethiopes, vel in India obire, hoc est concionari ad populos, sacramenta iis administrare, & alia quævis æternæ salutis præsidia. Fuere quoque Apostolici Nuncij Salmeron, & Codurius, è primis Ignatij sociis, à Paulo III. anno 1540. mense Martio dicti, sex prius mensibus quam ab eodem Societas in Religiosum ordinem formaretur, nec ante annum consequentem in destinatam sibi Hiberniam sunt profecti, subiitudo in locum Coduri defuncti Pascasio; ecquid verò id obfuit quo minus ij Romæ solenni ritu profiterentur Societatem? ecqua verò ad hoc noua facultate, aut diplomate opus fuit? Nam si Paulus III. eorum nominibus eo diplomate, quo Societatem statuebat expressis, priuata lege tacite usus cum illis dicitur; in eandem legem necesse sit pariter Xauerium venire, qui cum iisdem nominatur. Quid autem si ante Societatis Xauerius fuerit professus quam nuncius? At extra dubium est fuisse. Iussus Ignatius à Paulo III. quos idoneos iudicasset duos è suis ad Ioannem III. Lusitanit Regem destinare, ituros, inde in Indiam; Rodericum & Bobadillam legit; sed cum Xauerium noui illius orbis Apostolum designasset Deus, Bobadillæ ex morbo ad iter prorsus inhabili, Sanctus Patriarcha Xauerium subrogat, professionem indicit Martij 15. anni 1540. & proficisciatur die proxime in sequenti. Quod autem quamprimum Societas crederetur à Pontifice confirmanda, triplex suum ea de re decretum scripto consignauit, priusquam Româ discederet. Primum assentire se regulis, & constitutionibus yniuersitis

sis , quas esset Ignatius Romæ cum socijs scripturus , probare se illas suo suffragio , pollicerique se religiosè seruaturum. Alterum , ab se Ignatium eligi in præpositum Generalem. Tertium iam indè nuncupare se religiosa vota , quæ Societate post Paulum formata essent suam vim omnem habitura : suas autem vices Iacobo Lainio demandare , vt hoc suum autographum Patribus suo nomine exhiberet , cuius tertiam partem ex Romano nostro ubi asservatur tabulario Hispаниcè scriptam Latinè hic reddo. [Simul , inquit , postquam confirmata Societas fuerit , datūisque illi præpositus . Ego Franciscus , exinde in id tempus promitto perpetuam obedientiam , paupertatem , & castitatem. Rogo itaque te Laines mi Pater charissimè in Dei Domini nostri obsequium , meo absens loco , Generali quem delegeritis meam hanc mentem , offerre ne graueris , cum tribus religiosis votis , exī si quidem in diem quo lectus fuerit promitto me illa seruaturum in cuius animi mei , & sententiæ veram fidem , scriptum hoc meo chirographo confirmo. Datum Romæ anno 1540. Martij 15. Franciscus.] Post hæc aduentum non fuisse Xauerium Nuncij munere insignitum , nisi mensibus septem ab Societate , Pontificio maiori diplomate probata. Leguntur enim inter Pauli III. Rescripta , quatuor de legatione Xauerij simul & Roderici Nunciorum ; vnum 27. Iulij adnotatum anno 1540. ad Ioannem III. Lusitanæ Regem , quo ampla illi siebat potestas , illius eorum alteri , aut duobus , vel neutri etiam tradendi , vti magis liberet ; eos in Lusitania vel retinere , vel indè amittere. Constituebantur vero Pontificis Nuncij cum auctoritate Euangelij promulgandi , explicandæ scripturæ , &c. Secundum Augusti 2. annōque codem signatum , cuius facultate possent Ecclesiæ reconciliare haereticos , & cum iis quos labes aliqua ab sacro Ordine arceret ; vel à coniugio propinquitas sanguinis , indulgere ; & eiusmodi alia. Postremo duo data Octobris 4. eiusdem anni , vtrumque Nuncium Imperatori Æthiopiarum , & Indiae Regi maiorem in modum commendant , nec quicquam præterea continent. Ex his colligitur hoc primum , Nuncij dignitatem non fuisse ante Xauerio collatam , quam Roma discederet ; cum diplomata brevia quibus ea illi collata est , nisi post quartum & quintum mense in ab eius discessu data non fuerint. Ea vero in Lusitania ab Rege (cuius erant arbitrio permissa) non prius accepit ; quam Regem postremum salutans , nauim esset quamprimum in Indianam consensurus , quod Aprilis 7. factum est anno 1541. mense septimo post Societatem inter religiosos Ordines cooptatam : præterque hunc omnium qui de illo scripsere , in hoc idem consensum habetur autographa in Romano nostro Archivio eius Epistola à Rodericio pariter , cuius erat communis , subscripta. Interea temporis de Societate confirmata edocitus professionem in ea emisit ; verum quid attinet in probationes alias diffundi , cum Paulus III. à quo Nuncius missus est , cum primis nouem Societatis Patribus Xauerium numeret , primo illo quo Societatem confirmat diplomate , cuius est initium *Regimini militantis Ecclesia* ; Secundo item , cuius prima sunt verba , *Iniunctum no-*

Q 2 bis

bis ann. 1543. Xauerium apud Indos versantem iisdem accenseat & coniunctim omnes Societatis religiosos vocet. Cum itaque, inquit, nos alias postquam dilecti filii Ignatius de Loyola, & Petrus Faber, & Iacobus Lainez & Claudius Iaius, necnon Paschalis Broet, & Franciscus Xauier ac Alfonius Salmeron, & Simon Rodericus, necnon Ioannes Codurius, & Nicolaus de Bobadilla socij Societati Iesu nunc upate presbyteri, &c. quod ipsum quoque declarat Iulius III. diplomate Expositum debitum anno 1550. quo institutum nostrum sanciebat; nec deest auctoritas recentiorum Pontificum idē probantiū, audiuit enim Greg. XV. Probauitq; Eminentissimū Card. de Mōte, referentem in Consistorio de Xauerio Societatis Religioso, & S. Ignatij protestati subdito, cum auctoritatibus testium publicis, ad eum sanctis adscribēdum. Quā relationem in hæc demum verba Eminentissimus conclusit. *Hæc sunt Beatissime Pater qui ex legitimis actis huius causa dicēda fuerunt de vita, & moribus serui Dei Francisci Xauerij, Societatis Iesu.* Ad hæc tum idem Gregorius, tum Urbanus VIII. eo diplomate quo in album sanctorum referuntur Xauerius; Sancto verò Ignatio inquiunt, *Præposito suo non nisi flexis genibus scribebat*, cum dabat ad illum ex Indiis literas. Denique instar sit publici decreti, pertinaciae cuiilibet præscripturi, quod eius memoria Ecclesiasticis tabulis Romani Martyrologij consignata est iuridica potestate in hæc verba. *In Sanciano Sinarum insula S. Francisci Xauerij, Societas Iesu, Indianorum Apostoli.* Sed hæc fatis quidem ad retegendarum radicem virulentam, ex qua tam luculenta mendacia germinarunt; ad fidem verò rei clarissimæ atque apud omnes certissimæ plus satis.

## XVII.

*Sep̄tima cau-  
sa, deser-  
torum maligni-  
tas, & cie-  
torum ex  
Societate.  
Ep 82.  
Serm. de pu-  
dicit.*

L. 4. Ep. 2.

Septima deniq; oditorum aduersum nos causa, improbitas est desertorum, & cieotorum è Societate, in qua nobiscum dum viuerēt non fuerunt ex nobis; neque enim pudet, inquit Ambr. dicere quod dicit Euagelista Ioannes, spebus illā suis haud paulò frigidius adamant, quas in humana quædam præmia cum misissent; iis postea cassis, eiuratque propterea Christi domo, inde vti senes Susannæ proditores, ex amatoribus accusatores, vt ait S. Zeno, euaserunt & ad cluendum transfugij sui sacrilegium, damnare illam pergunt, tanquam sua indignam habitatione. Hostis cœlo peior dæmone nullus est, qui cœlo excidit; religiosis familiis, præter earum desertores; nulli acrius aduersantur aguntque id scilicet, proterenda modis omnibus earum fama, ne quis eò ascendat, vnde ipsi in præcepsiere. Nauim ad latus insulæ qui fregit, antennæ truncum in eo erigit, ad notandam magis loci infamiam quam nauigantium cautelam, sic isti odiis pietate prætextis; lingua si calamo non valent, passim monent, qui nolint periire, aliò diuertant, & locum auersi excrecentur, quasi omnes illic certa naufragia maneant, vbi vnum sua stultitia perdidit. Quos primis seculis malorum turbines Ecclesia experta est, eos vt plurimum desertores illius mouerunt, vt cum Martyre Cypriano respondendum saepius fuerit. *Hoc de apostatarum filiis rumoribus nascitur, neque enim laudare possunt nos, qui recedunt.* De qua fratrum falsorum iniuria habet Societas quod multum queratur, nam ab ea expulsi, eiusque proditores oculatae fidei venditatione, aures credulas naucti, vbi ei nocere pro libidine